

IV 60b

[Aldeña de] Pereira,
último da carretera
ai, alí en cas Barreiro
ai, ai, presentouse unha habanera.

Toda vestida de seda
e calzada de charol-e
i amigha do secretario
ai, ai, do [ayun]tamiento de Friol-e.

Foiche unha boa locura,
i o diaño que a tentaba
unha rapaza decente
ai, ai, namorada non casada.

IV 60c

Aldeña de Pereira,
último da carretera
alí en cas de Barreiro
persentouse unha habanera.

Toda vestida de seda
e calzada de charol
amigha do secretario
do [ay]untamiento de Friol-e.

Foiche unha boa locura,
o demo que a tentara
unha rapaza decente
namorarse dun casado

Vámonos daquí aló,
miña cariña de rosa,
vámonos daquí aló
que esta terra non é nosa.

Hei veñen, hei veñen,
hei veñen e van,
sardiñas fresquiñas
de pola mañán.
De pola mañán,
de pola mañán
hei veñen, hei veñen,
hei veñen e van.

VI 1089

Miña nai deume unha tunda
porque dei na paxariña.
“Non me peghes, miña nai-e,
que se a dei, porque era miña”.